



29.09.2022

UKA2022/115

Jens Napâtôk', Naleraq

Tusagassiorfinnut tapiissuteqartarneq pillugu Inatsisartut inatsisaata allanngortinneqarnissaa pillugu siunnersuut.

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Tusagassiorfinnut tapiissuteqartarneq pillugu Inatsisartut Inatsisaata allanngortinneqarnissaa pillugu siunnersuut Ilinniartitaanermut, Kultureqarnermut, Timersornermut ilageeqarnermullu Naalakkersuisup Naalakkersuisooqatigiit sinnerlugit saqqummiussaanut imatut Naleqqamiit imatut oqaaseqaateqaassaagut.

Siunnersuummi imarisai pingaarnertut tunuliaqutaasut Tusagassiorfinnut tapiissuteqartarneq pillugu Inatsisartut inatsisaat nr. 20, 28. november 2016-imeersoq 1. januar 2017-imi atuutilersuminngaaneersuupput.

Inatsisartut inatsisaata tusagassiorfinnut tapiissuteqartarneq pillugu Namminersorlutik Oqartussat nalunaarutaat nr. 19, 8. oktober 2015-imeersoq aamma nuna tamakkerlugu tusagassiutinut naqitanut ingerlatsinerneq tapiissuteqartarneq pillugu Namminersorlutik Oqartussat nalunaarutaat nr. 10, 26 maj 2016-imeersoq taarsernikuusaat uani toqqammavigineqartut pineqarput.

Inatsit allanngortinneqarnissaanut toqqammaviuvoq Tusagassiorfinnut tapiissuteqartarneq pillugu Inatsisartut inatsisaat nr. 20, 28. november 2016-imeersumi § 24, imm. 4-mi aalajangersarneqarnikummat Inatsisartut inatsisaata atuutilersinneqarnerata kingornatigut Inatsisartut inatsisaanniittut tapiissuteqariaatsit Naalakkersuisut ukiut marluk ingerlareerpata nalilersuiffigissagaat. Tamannalu ukiut arfinillit angulillaraallu kiisami qaqilerneqarluni kiisami saqqummiunneqarpoq.

Aaliangernerneq toqqammavigineqartut ilagaat tapiissuteqariaatsit siunertamut naapertuunnersut nalilersuinerit pissasut, tassalu ilaatigut pineqarpoq tusagassiorfinnut tapiissuteqartarnerup marlunnut avinneqarnera aalajangiunneqassanersoq nalilersuinerneq ilaatinneqarpoq.



Inatsisartut inatsisaat Tusagassiuuteqarnermut imaqarnermigut ingerlatsinermut tapiissutit aqquigalugit suliniutinut tapiissuteqartoqarnissaa aamma aallakaatitassiornermut tapiissuteqarnissamut aaqqissuussinerit atuuttut ingerlateqqinnissaannik tunngaveqarpoq.

Taamatullu siunertaasimavoq tamat oqartussaaqataanerisa aamma tamat oqallinnissaasa periarfissaqarnerulernissaat siunertaralugu nutaarsiassat inuiaqatigiinnut piorsarsimassutsimullu pingaarteqartut tamatigoortuullutik amerlallutillu neqeroorutaanissaasa pingaarnertigut qulakkeerinniffignissaat siuarsarnissaallu.

Naleqqamiit tusagassiuuteqarneq inuiaqatigiit demokratiskemik ingerlanneqarneranik nukittuumik inissisimanissaat.

Taatullu tusagassiuuteqarneq eqqarsaatigalugu nunarput tamaat isigalugu tusagassiuuteqarnikkut ingerlatsinerunissaat aatsaat taama pingartigigaluarpoq maannakkut kialluunnit malinnaasut nalunngilaa allakaatitseqqiittarnerit atugaasorujussuusut assullu utikajaarineq ingerlasorujussuusooq. Uani qanga immiussaasimasut allakaateqqinneqartarnerat pineqanngillat utikajaarinerujussuit pineqarlutik.

Tusagassiuuteqarnikkut aallakaatitsisarnerit ingerlanneqarneranni ingerlatsisarsimanerit qiviraanni dvb-t atortorissaarutit nunatsinni eqqunneqarnikuupput kanal-it amerlanerusut ingerlalerniassamata, maannakkut kanalerpassuit atorluarneqaratik uggornaraluartumik inissisimaffiupput aammalu nutarsaaneq ingerlanneqarnera killeqartorujussuuvoq.

Sineriammi tusagassiuuteqarnikkut ingerlatseqataasimasut siornatigut nunarput tamaat ataatsimoortitsilerfigisimasartagaat sumiiffiit inoqarfiit tamakkerlugit ilanngutassiortut anngusisarnerat piujunnaarsimasut assut tusagassiuuteqarnikkut malunnarpoq amigaataasut.

Taamatullu siornatigut demokratiimi ingerlatsinermi atorneqartarsimasut ilagaat radio-kut inatsisartut ataatsimiinnerisa toqqaannartumik ingerlanneqartarsimanagerat, tamannalu toqqaannartumik radio-kut ajornarsinikuuvoq. Atortorissaarititsigut periarfissat atorlugit immikkut kanalilerlugu arlaatigulluunniit aaqqiilluni tamakkuupput periarfissarsiorneqarsinnaasut innuttaasut malinnarusuttut peqataarusuttut amerlanerusut periarfissikkusullugit.



Taamatullu sineriassuatsinni sumiiffikkaartumik radio-mik tv-kullu aalakaatitsisarnerit ingerlanneqartarsimanerat manakkullu ingerlanneqarnerat, tamakku qanimut suleqatigalugit sineriammiit Qaanaamiit Ittoqqortoormiit tikillugit aallakatitassiortarnerit ingerlatsisoqarnerusinnaanera nalilersueqqinnermit uggornarpoq aaqqiffiginarlugit periarfissarsiorneqarnerusimanginnerat.

Naalackersuisoq maannakkut killiffippit tusagassiuuteqarnermi ingerlatsisarnermi nukittunerusariaqarput nunarput tamaat allaavigalugu inoqarfiit tamarmik periarfissaqartillugit ingerlasoqarnissaa nukittorsarlugu periarfissarsioqqinnissaa Naalackersuisumut kaamattuutigerusupparput.

Maannakkut suliniutinut tapiissutinik tapiisoqartarunnaarnissaa uani pineqarpoq aammalu aningaasanut inatsimmi immikkoorititsisoqarunnaarnissaa assorujussuaq Naleqqamiit eqqarsariartutut isigaarput.

Tassami tusagassiuuteqarneq annikillisaaffiginagu nukittorsartariaqarluinnartoq maannakkut inissisimaffigaarput tamatumunngalu aaqqissuusseqqittariaqarpugut akerlianik anikillisaaffigeqqinnagu.

Demokratiimi ingerlatsinitsinni pisaaneq pingasoiusamik ingerlatsivigineqarnerani sisamaattut inissimasoq tusagassiuuteqarneq nukittorsagassaavoq ilanngartuiffiginagu taammaammallu iluarsisaariallitaagugassagut amerlaqisut aaqqinnagit taaamatut aaqqeeriarneq Naleqqamiit apeqquserujussuarparput, aaqqiiniartoqarnissaalu siunertaralugu ataatsimiititaliami susassaqtunut ingerlaterusupparput, neriutugalugu allannguutissanik siunnersuuteqassasut aaqqiissutaasussanik

Taamatut oqaaseqarluta pitsanngorsaaffiusussamik aqqtissiunissamik ujaaseqqusilluta ataatsimiititaliamut susassaqtumut siunnersuut ingerlateqqipparput.